

Pinngitsuuisinnaajunnaarnermik katsorsaasarneq pillugu Inatsisartut Inatsisaat

Kapitali 1

Atuutsinneqarfia nassuiaatillu

§ 1. Inatsisartut Inatsisaat manna pinngitsuuisinnaajunnaarnermik katsorsaanermit atuuppoq.

Imm. 2. Inatsisartut Inatsisaanni matumani pinngitsuuisinnaajunnaarneq imatut paasineqassaaq imigasamik, hashimik, aanngajaarniutitik allanik, aningaasanoorajunnermik tamatumunngalu eqqaanartunik atornerluineq aamma pinngitsuuisinnaajunnaarneq.

§ 2. Inatsisartut Inatsisaanni matumani kommuni najugaqarfik imatut paasineqassaaq kommuni inuup aalajangersimasumik angerlarsimaffeqarfia aamma inuit allattorsimaffiannut allatsinneqarfigisaa, taamaattorli tak. § 3, imm. 2.

Imm. 2. Inuit paaqqinnittarfinnut, ilaqtariinnut allanut, paaqqutarinninnermut immikkoortortaqaqfinnut assigisaanniluunniit oqartussaasut aaqqiinerat tunngavigalugu inissinneqarsimasut kommuni attuumassuteqarfigisartik pigiinnassavaat, tassa inissinneqarnerup siornatigut aalajangersimasumik angerlarsimaffeqarfigisimasartik aamma inuit allattorsimaffianni allatsinneqarfigisimasartik.

Kapitali 2

Pinngitsuuisinnaajunnaarnermik katsorsaaneq

§ 3. Naalakkersuisut Inatsisartut Inatsisaat manna tunngavigalugu inunnut Kalaallit Nunaanni inuit allattorsimaffianni nalunaarsorneqarsimasunut aamma aalajangersimasumik najugaqartunut akeqanngitsumik pinngitsuuisinnaajunnaarnermit katsorsartinnissamik neqerooruteqarsinnaapput, taamaattorli tak. imm. 2.

Imm. 2. Inuit aalajangersimasumik najugaqartuunngitsut aamma Kalaallit Nunaanni imaluunniit nunami allami inuit allattorsimaffianni nalunaarsorsimanngitsut, imm. 1-imi aalajangersagaq apeqqutaatinnagu, Inatsisartut Inatsisaat manna tunngavigalugu ikiorneqarnissaminnut neqeroorfigineqarsinnaapput pinngitsuuisinnaajunnaarnermit katsorsartinnissamut qinnuteqaateqarnermik siuninnguatigut piffissami kipiffeqanngitsumi sivikinnerpaamik qaammatini arfinilinni aalajangersimasumik Kalaallit Nunaanniissimagunik, taamaattorli tak. imm. 3.

Imm. 3. Inunnut nunami allami najugaqavissunut aamma nunami allami inuit allattorsimaffianni nalunaarsorneqarsimasunut imm. 2 atuutinngilaq, aamma pineqartut Kalaallit Nunaanni pinngitsuuisinnaajunnaar-

nermut katsorsartinnissamut qinnuteqaateqarneq sioqqullugu piffissami kipiffeqanngitsumi sivikinnerpaamik qaammatini arfinilinni sivilissuseqartumik najugaqarsimagaluarpata.

§ 4. Naalakkersuisut pinngitsuuisinnaajunnaarnermut katsorsartinnissamik neqerooruteqarsinnaapput nammineq katsorsaavinni ingerlataminni imaluunniit kommunit, pisorta qarfiit allat imaluunniit neqerooruteqartut namminersortut suleqatigalugit.

Imm. 2. Katsorsaarnermik neqeroorut kommunit, pisorta qarfiit allat imaluunniit neqerooruteqartut namminersortut suleqatigalugit pilersinneqarpat isumaqatigiisummik suliaqartoqassaaq, tassani minnerpaamik ilaatinneqassapput makku:

- 1) sullissinerit sordiaat pineqartut,
- 2) sullissinerit qanoq ilillugit ingerlanneqassanersut aamma
- 3) sullissinerit qanoq akeqassasut.

Imm. 3. Naalakkersuisut katsorsaaviit imm. 1-imi taaneqartut pilersinneqarnissaannut, atorneqarnissaannut, ilusilersorneqarnissaannut, aqunneqarnissaannut aamma ingerlanneqarnissaannut sukumiinerusumik maleruaqqusaliorsinnaapput kiisalu katsorsaavimmi katsorsaarnermik suliaqarnermut tunngasunut maleruaqqusaliorsinnaallutik.

§ 5. Katsorsaarnermik neqeroorut tassaasinnaavoq:

- 1) Pinngitsuuisinnaanngitsunut neqeroorummik atuisunik siunnersuineq ilitsersuinerlu.
- 2) Imminut ikiornissamut atortussanik tunniussineq aamma sivikitsumik akulerunneq.
- 3) Kingunerlutsitsinernik katsorsaaneq.
- 4) Nakorsaatitortitsilluni katsorsaaneq.
- 5) Inunnik ataasiakkaanik, aappariinnik aamma ilaqutariinnik oqaloqatiginnittarnikkut katsorsaaneq.
- 6) Katsorsartereerup kingornatigut neqerooruteqartarnerit.
- 7) Imminut ikioqatigiittussanik pilersitsinerit.
- 8) Neqeroorutit taaneqartut akuleriissillugit ataatsimik arlalinnilluunniit neqerooruteqarneq.
- 9) Neqeroorutit allat pinngitsuuisinnaajunnaarnermik katsorsaannissamik siunertaqartut.

Imm. 2. Katsorsaaneq ornigutsitsisarnikkut, ullukkut neqeroorutitut imaluunniit ulloq unnuarlu neqeroorutitut ingerlanneqarsinnaavoq.

Imm. 3. Naalakkersuisut inunnut pinngitsuuisinnaanngitsunut 18-it inorlugit ukioqartunut katsorsaannissamik neqeroorutitut tunngatillugu aalajangersaassapput.

Imm. 4. Naalakkersuisut inunnut pinngitsuuisinnaanngitsunut immikkut ittumik katsorsarneqarnissamik pisariaqartitsisunut sukumiinerusumik maleruaqqusaliorsinnaapput.

§ 6. Naalakkersuisut pinngitsuuisinnaajunnaarnerni ataasiakkaani, § 1, imm. 2-mi allassimasuni, qanoq katsorsaasoqarnissaanik sukumiinerusumik maleruaqqusaliorsinnaapput.

Kapitali 3

Pinngitsuuisinnaajunnaarnermik katsorsaarnerp aqqissuussaannerani killiliussat

Allorfik

§ 7. Naalakkersuisut Allorfik pinngitsuuisinnaajunnaarnermik ilisimasaqarfittut pilersissavaat.

Imm. 2. Allorfik aaqqissuussaanikkut Peqqissutsimut Naalakkersuisoqarfup ataani inisisimavoq.

Allorfimmut suliatigut siunnersuinermit ataatsimiititaliaq

§ 8. Allorfik suliatigut siunnersuinermit ataatsimiititaliamik 5-init 7-inut ilaasortaqaartumik pilersitsissaaq.

Imm. 2. Ataatsimiititaliap katitigaanera Peqqissutsimut Naalakkersuisoqarfimmit akuersissutigineqassaaq.

Imm. 3. Allorfik ataatsimiititaliap suleriaasissaanik aalajangersaassaaq.

Imm. 4. Allorfik ataatsimiititaliamut allatseqarfittut atuuppoq.

Qitiusoqarfimmi aqutsisoq

§ 9. Qitiusoqarfimmi aqutsisoq Allorfiup ulluinnarni aqunneqarneranik isumaginnittuuvoq.

Imm. 2. Qitiusoqarfimmi aqutsisoq Allorfimmi sulisunik atorfinitsitsinermit akisussaasuvoq, taakkununga ilanngullugit najukkani katsorsaanermut qitiusoqarfinni.

Imm. 3. Qitiusoqarfimmi aqutsisoq tulluurtumik ilinniarsimasuussaaq masteritut qaffasissusilimmik aamma Allorfiup ikiaroortartunik katsorsaasartutut ilinniartitaanermik neqeroorutigisaanik naammassisaqarsimasuussalluni.

Imm. 4. Naalakkersuisut qitiusoqarfimmi aqutsisup suliasai pillugit sukumiinerusumik maleruaqqusaliorinnaapput.

Allorfiup suliasai

§ 10. Allorfik makkuninnga suliasaqaarpoq:

1) Pinngitsuuisinnaajunnaarnek pillugu iliuuserisanik ataatsimoortumik ataqatigiissaarinek.

2) Pinngitsuuisinnaajunnaarnek pillugu iliuuseqarnermik nakkutilliinek, nalilersuinek aamma sunniutaasunik uuttortaneq.

3) Sammisap iluani ilinniartitaanernik ilitersuisarnermillu ineriartortitsinek aamma pilersaarusiorneq.

4) Qulakkiissallugu katsorsaasarnermit neqeroorutit, tak. § 4, imm. 2 isumaqatigiisummi killiliussat iluanni ingerlanneqartarnissaat.

5) Qulakkiissallugu pinngitsuuisinnaajunnaarnermik katsorsaasarnerup ineriartortinneqarnissaa.

6) Ilisimatusarnermik suliaqarfitt aamma kattuffiit soqutigisaqatigiiffiit suleqatigissallugit.

Imm. 2. Tamakku saniatigut Allorfik akisussaasuvoq makkununga:

1) Nuna tamakkerlugu katsorsaaneq pillugu paasissutissanik katersuiffimmut aaqqissuussamik paasissutissanik katersuinek.

2) Katsorsarneqartussanik innersuussisarnermit maleruagassanik pilersitsinek.

3) Katsorsartinnissaq sioqqullugu, katsorsartereernermit aamma tamatuma kingorna ingerlaqqinnissamut pilersaarutitut maleruagassanik pilersitsinek.

4) Pinngitsuuisinnaajunnaarnermit katsorsaanermut tunngatillugu paasissutissiisarnek aamma paasissutissanik ingerlatitseqqittarneq.

5) Susassaqarfiit akimorlugit ataqatigiissaarineq aamma suleqatigiinneq kiisalu pinngitsuuisinnaajunnaarnermik sammisaqarnerup iluani oqartussaasunik aamma namminersortunik suleqateqartarnut peqataasarneq.

6) Suliassat allat pinngitsuuisinnaajunnaarnermik katsorsaannermut pingaaruteqartut.

Imm. 3. Naalakkersuisut sukumiinerusumik maleruaqqusaliorsinnaapput Allorfiup sammisaanut tunngasunut, tamatumunnga ilanngullugit suliassat imm. 1-imi aamma 2-mi taaneqartut.

Najukkani katsorsaaviit

§ 11. Naalakkersuisut najukkani katsorsaavimmik kommunini tamani pilersitsissapput.

Imm. 2. Najukkani katsorsaaviit aaqqissuussaanermi Allorfimmut ilaapput Allorfillu sinnerlugu najukkani suliaqartassallutik.

Imm. 3. Najukkani katsorsaaviit katsorsartinnissamut kajumissaarissapput aammattaaq Allorfiup killilius-saritaata iluani innuttaasunik pinngitsuuisinnaajunnaarsimasunik katsorsaassallutik.

Imm. 4. Najukkani katsorsaaviit suliassat imm. 3-mi taaneqartut oqartussaasoqarfiit allat imaluunniit neqerooruteqartut namminersortut suleqatigalugit ingerlassinnaavaat.

Imm. 5. Najukkani katsorsaaviit suliassat aamma nunap immikkoortuani sumi inissisimanissaat pillugit Naalakkersuisut sukumiinerusumik maleruaqqusaliorsinnaapput.

Inuit aanngajaarniutinut tunngatillugu attaviit

§ 12. Sulisitsissut ataasiakkaat inunnik aanngajaarniutinut tunngatillugu attavinnik aaqqissuussinnermik pilersitsinnaapput, taakku suliffeqarfimmi peqataaffigissavaat pinngitsuuisinnaajunnaarnermik pinaveersaartitsineq aamma katsorsartinnissamut kajumilersitsinissaq. Inuit aanngajaarniutinut tunngatillugu attaviit katsorsartinnerup naammassereerpat pinngitsuuisinnaajunnaarnermut uteqqissinnaanermik pina-veersaartitsinnermut peqataasinnaapput.

Imm. 2. Inuit aanngajaarniutinut tunngatillugu attaviit piginnaasaat aamma piffissap suliffusup nalaani qanoq atorpeqarsinnaanerpat pillugu Allorfik sulisitsisunut ilitersuissaaq.

Imm. 3. Inuit aanngajaarniutinut tunngatillugu attaviit najukkani katsorsaavinnit tapersorsorneqassallutillu ilitersorneqassapput.

Imm. 4. Inuit aanngajaarniutinut tunngatillugu attavittut suliaqarnerminnut atatillugu paasissutissanik ilisimalersimasaminnik nipangiussimasussaataapput.

Imm. 5. Inuit aanngajaarniutinut tunngatillugu attavittut suliaqarnissaminnik aallartitsinnginnerminni Allorfimmit neqeroorutigineqartumit ilinniartitaanermik ingerlatsisimassapput.

Kapitali 4

Katsorsartinnissamut qinnuteqaateqarneq aamma susassaqarfiit akimorlugit suleqatigiinneq

§ 13. Katsorsartinnissamut qinnuteqaat Allorfimmut tunniunneqassaaq.

Imm. 2. Allorfik katsorsartinnissamut neqeroorummik tunniussisoqarnissanut aalajangiisuussaaq.

Imm. 3. Katsorsaasoqarnissaanik aalajangiinnermut aamma neqeroorummik toqqaanermut tunngaviusut makkuussapput:

- 1) Katsorsarneqarnissamik pisariaqartitsineq, isumalluutit aamma katsorsartinnissamut periarfissat.
- 2) Katsorsaaneramik neqeroorutaasoq akornusiinnginnerpaasumik naleqquttumillu sunniuteqarsinnaasut nalilerneqartoq.
- 3) Sapinngisamik innuttaasup angerlarsimaffianut qaninnerpaaq.

Imm. 4. Naalakkersuisut katsorsarneqarnissamut neqeroorummik tunineqarnissamut maleruaqqusanik sukumiinerusunik aalajangersaasinnaapput.

§ 14. Allorfik katsorsaaneramik neqeroorutiniq aqqissuussisuussaaq pisariaqartinneqartunik naliliineq pillugu innuttaasup pineqartup suleqatiginneratigut.

Imm. 2. Katsorsaasoqarnissanut innersuussineq sioqqullugu imaluunniit tamatuma kingornatigut piaartumik Allorfiup paasiniassavaa atuisup ataatsimoortumik qanoq inissisimanera.

Imm. 3. Paasiniaanermit ersersinneqarpat katsorsartinnissaaq sioqqullugu kommunip ingerlataanik iliuuseqartoqartariaqartoq, taava innuttaasup kommuni najugaqarfia pinngitsuuisinnaajunnaarnermik katsorsaanerup siunertarineqartutut sunniuteqarnissanut pisariaqartunik iliuusissanut pilersaarusiussaaq.

Imm. 4. Paasiniaanermit ersersinneqarpat peqqinnissaqarfup ingerlataanik katsorsartinneq sioqqullugu iliuuseqartariaqartoq, taava peqqinnissaqarfimmi oqartussat pinngitsuuisinnaajunnaarnermik katsorsaanerup siunertarineqartutut sunniuteqarnissanut pisariaqartunik iliuusissanut pilersaarusiussapput.

Imm. 5. Iliuusissat, tak. imm. 3 aamma imm. 4, aallartinneqarsinnaapput katsorsaanerup aallartinneqarneranut ilutigitiillugit.

Imm. 6. Kommuni najugaqarfusoq katsorsaanerup naammassinerata kingornatigut iliuusissanut aallartinneqartussanut tunngatillugu pilersaarusiussaaq.

§ 15. Susassaqarfiit akimorlugit iliuuseqarneq katsorsartinnissamut neqeroorummik atuisup katsorsartinnerup kingorna pinngitsuuisinnaajunnaarnermut uteqqinnani ingerlaannarnissaanik aamma meeqqat ilaqutariinni pinngitsuuisinnaajunnaarnermik eqqugaasimasuniittut atugarissaarnerannit immikkut eqqumaffiginninnissamik qulakkeerinnittuussaaq.

Imm. 2. Suleqatigiinnermi anguniagassat aamma akisussaaffiit agguarneqarnissaat pillugit kommunit ataasiakkaat aamma Allorfiup akornanni suleqatigiinnermut isumaqatigiissusiortoqassaaq.

Imm. 3. Suleqatigiinnermi anguniagassat aamma akisussaaffiit agguarneqarnissaat pillugit peqqinnissaqarfimmi oqartussat aamma Allorfiup akornanni suleqatigiinnermut isumaqatigiissusiortoqassaaq.

Imm. 4. Allorfiup ukiut affakkaarlugit suleqatigiinnissamik isumaqatigiissutit pillugit kommunit ataasiakkaat aamma peqqinnissaqarfimmi oqartussat ataatsimeeqatigisassavai.

Imm. 5. Naalakkersuisut susassaqarfiit akimorlugit iliuuseqarnermut maleruaqqusat, tamatumunnga ilanngullugit suleqatigiinnermut isumaqatigiissutitut maleruaqqusat, pillugit sukumiinerusumik aalajangersaasinnaapput.

§ 16. Innuttaasut ataasiakkaat pinngitsuuisinnaajunnaarnermik katsorsarneqarnerisa sapinngisamik pitsaanerpaamik ingerlanissaat anguniarlugu najukkami katsorsaaviup, kommunit ataasiakkaat aamma na-

jukkami peqqinnissaqarfiup akornanni susassa qarfiit akimorlugit aamma suliatigut ilinniakkat akimorlugit suleqatigiinneq pilersinneqassaaq.

Imm. 2. Suleqatigiinnermut taamatuttaaq ilanngunneqarsinnaapput pinerluttunik isumaginnittoqarfik, politiit aamma oqartussaasut allat imaluunniit sullissisut namminersortut, taakkua peqataanissaat inuttaasumut pinngitsuuisinnaanngitsumut tulluarpasut.

Imm. 3. Susassa qarfiit akimorlugit suleqatigiinnik ataatsimiigiaqqusinissaq najukkani katsorsaaviit akisussaaffigaat.

Kapitali 5

Nuna tamakkerlugu katsorsaannerit nalunaarsuiffik

§ 17. Naalakkersuisut nuna tamakkerlugu katsorsaannerit pillugit nalunaarsuiffimmik pilersitsissapput, tamatumani siunertarineqarpoq pinngitsuuisinnaajunnaarnermik katsorsaannerit tunngatillugu ataatsimoortumik iliuuserisat pillugit katersukkanik takussutissaqartitsisinaanissaq.

Imm. 2. Naalakkersuisut katsorsaannerit nuna tamakkerlugu nalunaarsuiffik, tamatumunnga ilanngullugit nalunaaruteqartarnerit aamma nalunaaruteqartarnerit atororisassat, ingerlatsinerit isumaginninneq aamma paasissutissanik katersuineq pillugit sukumiinerusumik maleruaqqusaliorsinnaapput.

§ 18. Pisortat, katsorsaannerit ingerlatsiviusartut namminersortut aamma katsorsaasartut namminersortut, innuttaasut pinngitsuuisinnaanngitsunik katsorsaannerit suliaqartartut katsorsaannerup aallartinnerani aamma naammassinnerani katsorsaannerit nuna tamakkerlugu nalunaarsuiffimmik nalunaaruteqartassapput.

Imm. 2. Pisortat, katsorsaannerit ingerlatsiviusartut namminersortut aamma katsorsaasartut namminersortut katsorsaannerup naammassereernerani qaammatit arfinillit qaangiuppata katsorsaannerit nuna tamakkerlugu nalunaarsuiffimmik katsorsartinnerup sunniutai pillugit nalunaaruteqassapput.

Imm. 3. Kommunini oqartussat katsorsartinnerup naammassinnerata kingorna qaammatit pingasut aamma aqqaneq-marluk qaangiuppata katsorsaannerit nuna tamakkerlugu nalunaarsuiffimmik katsorsartinnerup sunniutai pillugit nalunaaruteqartassapput. Inuk kommuni qimallugu nuussimappat, taava kommunip nuunnermi qimatap kommunimut nuuffigisaanut suliamut tunngasut pisariaqartut ingerlateqqissavai, tamatuma kingorna nalunaarsuineq tassanngaanniit ingerlanneqassaaq.

Kapitali 6

Najukkani katsorsaavinni sulisut ilinniartitsineq

§ 19. Najukkani katsorsaavinni sulisut katsorsaannerit suliaqarlutik sulisut tamarmik ingerlaqqiffiusumik akunnattumik sivisussuseqartumik ilinniarsimasuussapput imaluunniit qaffasinnerusumik ilinniakkamik tulluurtumik ilinniarsimasuussallutik.

Imm. 2. Inummik ingerlaqqiffiusumik akunnattumik sivisussuseqartumik ilinniarsimasumik imaluunniit qaffasinnerusumik ilinniarsimasumik atorfinitsitsisoqarsinnaanngippat taava inuit piffissami sivikinnerusumi ilinniarsimasut atorfinitsinneqarsinnaapput, taakku tulluurtumik sulinerikkut misilittagaqarpata aamma pinngitsuuisinnaanngitsunik katsorsaannerit sammisumik ilinniagaqaqqinnermik ingerlatsisimappata.

Imm. 3. Kikkut tamarmik najukkani katsorsaavinni katsorsaanermik suliaqartut aangajaarniutitik atuiner-mut katsorsaasutut ilinniartitaanermik najukkani katsorsaavinnit neqeroorutigineqartumik naammassisa-qassapput.

Imm. 4. Allorfiup ilinniartitaanerit allat assingusumik qaffasissusillit akuerisinnaavai.

Kapitali 7

Nakkutilliineq, maalaaruteqarneq, aningaasalersuineq

Nakkutilliineq

§ 20. Nunatsinni Nakorsaaneqarfik Inatsisartut Inatsisaat manna tunngavigalugu pinngitsuuisinnaajun-naanermik katsorsaanermik ingerlatsinermit sulianik peqqissutsimut tunngasunik ingerlanneqartunik nak-kutilliisuvoq, tak. peqqinnissaqarfiup aqunneqarnera, aaqqissuussaanera kiisalu peqqinnissamut tunnga-sutigut sullissisut aamma tarnip pissusaanik ilisimasallit pillugit Inatsisartut Inatsisaanni aalajangersakkat aammattaaq Nunatsinni Nakorsaaneqarfiup sulinera pillugu Namminersorlutik Oqartussat nalunaarutaat.

Naammagittaalliuteqarnissamut periarfissat

§ 21. Aalajangiinerit pinngitsuuisinnaajunnaanermik katsorsartinnissamut itigartinneqarnermut tunnga-sut Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaat naaper-torlugu Isumaginninnermi Naammagittaalliuteqartarfimmut maalaarutigineqarsinnaapput.

Imm. 2. Isumaginninnermi Naammagittaalliuteqartarfimmit aalajangerneqartoq allaffissornikkut oqar-tussaasumut allamut suliassanngortillugu saqqummiunneqarsinnaanngilaq.

§ 22. Sullinneqarneq pillugu maalaarutit ingerlatsiviup ingerlatsineranut tunngasut Allorfimmut maalaarutigineqassapput.

Aningaasaliineq

§ 23. Allorfimmik aamma najukkani katsorsaanermut qitiusoqarfinnik pilersitsinermit aamma ingerlatsi-nermut aningaasartuutit Namminersorlutik Oqartussanit akilerneqassapput.

§ 24. Innuttaasunik Allorfimmit katsorsartinnissamut innersuunneqartunik katsorsaanermut aningaasar-tuutit Namminersorlutik Oqartussanit akilerneqassapput.

Imm. 2. Innuttaasunik nuna tamakkerlugu ulluunerani neqeroorutigineqartut atorlugit katsorsartinnissa-mut Allorfimmit innersuunneqartunik angallassinermut ineqartitsinermullu aningaasartuutit Namminer-sorlutik Oqartussanit akilerneqassapput.

Imm. 3. Katsorsaasut Allorfimmik isumaqatigiissuteqarnikkut illoqarfinni najukkami qitiusumik katsorsaa-veqanngitsuni innuttaasunik katsorsaasut angalanerannut ineqartinneqarnerannullu aningaasartuutit Namminersorlutik Oqartussanit akilerneqassapput.

§ 25. Innuttaasunik Allorfimmit nammineq kommunigisami katsorsartinnissamut innersuunneqartunik angallassinermut aamma ineqartitsinermut aningaasartuutit kommunimi oqartussaasunit akilerneqassapput.

Imm. 2. Katsorsartinnissaq sioqqullugu iliuuseqartoqarnissanut aningaasartuutit, tak. § 14, imm. 3 aamma § 14, imm. 4 kommunimi oqartussaasunit imaluunniit peqqinnissaqarfimmi oqartussaasunit akilerneqassapput, tamatumani apeqquataatillugu katsorsartinnissaq sioqqullugu iliuuserineqartussat sumut attuumassuteqarnerat.

Imm. 3. Katsorsartereernerup kingornatigut pilersaarummut aningaasartuutit, tak. § 14, imm. 6 kommunimit najugaqarfiusumit akilerneqassapput.

Kapitali 8

Atortuulersitsinermut aalajangersakkat

§ 26. Inatsisartut inatsisaat saqqummiunneqarnerata aqaguani atortuulissaaq.

Namminersorlutik Oqartussat, ulloq 12. juni 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

